

Säämi parlamentaarlâš räädi (Suomâ, Taažâ já Ruotâ Sämitigij oovtâstargo-orgaan) aalgât 1.8.2015 ohtsâštave-eennâmlâš sâmikielâ áámmát-/reesuurskuávdáá Säämi Kielâkäldee jotkâproojeekt, mii nohá 31.5.2018. Proojeekt válduruttádeijee lii EU Interreg Tave -ohjelm já pargo vuáválâš olâšuttem várás Suomâ Sämitigge ocá

**1 meriáigásâš anarâškielâ kielâpargee**  
**1 meriáigásâš nuorttâsâmikielâ kielâpargee**  
**1 meriáigásâš tavesâmikielâ kielâpargee**

ááigán 1.8.2015 – 30.4.2018. Kielâpargee pargoid kuleh kielâtipšom, kielâovdedem, terminologia-pargo, normâdem, sehe tiedettem- já ravvimpargo. Kielâpargei puáhtá meridiđ eres-uv tooimâid, moh kuleh ohtsâštave-eennâmlâš sâmikielâ áámmát- já reesuurskuávdáá jotkâprojektân.

Asâttâsvuáduštâslâš tohálâšvuodâvátámâššân lii pargo vaattâm škovlim já lasseen váttoo sâmikielâ táidu. Projektânoccoo vuosâsajasávt taggaar olmooš, kiást sâmikielâ lii eenikielân tâi västideijee kielâtáidu. Tuáivup ocest hiáivulâš sâmikielâ škovlim (ollâškovlá/ollâopâttâh), hárijánem västideijee pargoost já sâmiohtsâškode já -kielâi tubdâm. Lasseen tuáivup áámmátlâš mättim, oovtâstpargonaavcâ, sâmikielâ kirjálâš tááidu sehe naavcâ jiečânâs já ulmemiäldásâš porgâmân.

Ohtsâštave-eennâmlâš sâmikielâ áámmát- já reesuurskuávdáá pargokielah láá sâmikielâ sehe suomâkielâ já ruotâ/tárukielâ. Áámmát- já reesuurskuávdáá pargon lii oovtâst sâmitigijn ohtsâštave-eennâmlâš kielâoovtâstargo nanodem já ovdedem, sâmikielâ nanodem já ovdedem nuuvt, et jieškote-uv kielâjuávhu ohtâgâslâš táárbuh, hástuseh já naavcah váldojeh vuotân, sehe sâmikielâ virkosmittem já turvim puátteevuodâst.

Kielâpargee lii palvâluskoskâvuodâst Suomâ sâmitiigán já pälkki miärášuvá Suomâ sâmitige pälkkáattemvuáhâdud vátávâšvuodâtaasij V/II mielđ (vuáđupälkki 2 110,20 eurod/mp). Vuáđupáálhi lasseen máksojeh 24 % sâmikuávlv lase já pargohárijánem mielđ miärášuvvee hárijánemlaseh. Toimâsaje lii sâmitige monni toimâsaajeest tâi sopâmuš mielđ eres saajeest.

**Ucâmušâid lahtosijdiskuin kalga toimâttid Suomâ sâmitige čäällimkoodán 10.7.2015 tme 16.00 räi čujottâssáin: Sajos, 99870 Aanaar.** Lasetiäđuid pargoost adelává kielâtorvočâllee Siiri Jomppanen [siiri.jomppanen@samediggi.fi](mailto:siiri.jomppanen@samediggi.fi) já má. kielâaasijčâllee Marko Marjomaa [marko.marjomaa@samediggi.fi](mailto:marko.marjomaa@samediggi.fi). Sâmitige tooimân puáhtá uápâsmuđ nettičujottâsâst [www.samediggi.fi](http://www.samediggi.fi).

Anarist 18.6.2015

Sämitigge